

Sigle: Stu

Aufbewahrungsort: Württembergische Landesbibliothek

Signatur: Cod. bibl. 2° 35

[96va,01]hie hebet an fant anfhalm fravg
Sant aunfhalm bat vnfer liebÿ
fröwen von himelrich lang zit
mit groffer begird mit vastend <v̄>
mit wachen mit andchtigem
gebett vnd mit hertzlichen andächtigen
trächer daz fy im kunt#tättÿ irs ain(=)
gebornes kindes marter wie es ~~vmb daz~~
von dem angeng vncz an daz end ergieng
vnd do er dez lang zitt hett begert do
erfchain im vnfer frow vnd sprach zû
im aunfhalm min kint hât m̄nig mart^r
erlitten daz nieman völeklich gefagen
kan div ôgen müffent ez mit mengen
zâchern dez herczen bitterkait v̄iechen
wan ich aber alfo gröfferlich erhôchet
bin von minem lieben kind fo enmag ich
v̄ber alles himelfch her fo en|mag ich
noch en|kan noch en|fol nit me wainen
vnd dar#nâch alles dez du mich frâgest
dâr#nach sag ich dir wie Es ergieng
Sant aunfhalm waz von herczen fro
fin frag hûb er an vnd sprach zû ir
sag mir liebûⁱ frow wie was der anfank
der marter dines lieben kindes vnfer
frow sprach do min kint het gefßen
mit finen iungern vor finer marter daz
Iungft maff daz er nam vnd do fi von
dem tifch vff#ftunden do gieng iudaz
fcariot zû den Iuden der fürften vnd
kam ainf gedinges mit in v̄ber#ain daz
er min kint wolt verrâtten die iuden

wären des gedinges gar fro vnd gaben
im driffig phfeninng do sprach fant
aunfhalm sag mir liebiu fröwe welcher(=
hant pfennig warent daz vnser frow
sprach fi wären gehaiffen yfmahelty
Ich sag dir wår#vmb fi also hieffend
do Ioseph finē|brüder verköft do gabē
fi in finer#hant lüt den yfmahelitten
da#von die phfe<f> phfeninng den namē
hetten vnd köfftē in vmb driffig ph(=
feninng vnd die iuden den die phfening
wurden zetail die gehielten fy fur
ainen erb#fchacz vnd lieff ain Ieglichz
geschlacht finem nachkomen wol viar(=
tufent Iar wan fi waren tür vnd kost(=
bar vnd die iuden wären ze irīm die
daz güt hetten für ainen erb#fchacz
die wären do minem kint also vint
[96vb,01]Wie lang fi daz güt hetten behalten vnd
wie lieb ez in wår do gaben fy iudaf da die(=
felben pfening wan der waz also gittig do er
die phfening gefach do gefiellen fi im wol fo
wol daz er in min kint dar#vmb gab wie dik
er in vor gewarnet het Sant aunfhalm sprach
sag mir liebü fröw wår du da by dinem
kint vnser frow sprach nain ich aunfhalm
du solt gelöben do min kint het gefsen mit
finen iungern vnd inē|die füßz het gewāschē
vnd in finen hailigen fronlichnam het gebē
vnd in öch gar füßeklich het gebrediget vnd
iu#daz von in waz gegangen zū den iuden
do gieng min liebes kint mit finen Iungern
ab dem berg sion vff der ftatt ze dem tor
vff daz da haiffet daz guldin tor zū ainē
brunnen der haiffet filyoe by dem waz
ain gart da waz er dik vor in#gegangē

mit finen Iungern vnd lit vnder den berg
oliuetý da hief er fin iunger baiten vnd
gieng vnd gieng er ainnig vff den berg
oliuetý wol als fer als man mit ainem
hant ftain gewerffen mag vnd fiel nider
an finý knie vnd bettet an finen vatt' von
himelrich vnd sprach den hailigen pfalmē
Ex#audi dñ beningna eft mifericordia
tua daz sprichet her erhôr mich wan
din genâd ift erbârmnd rich vnd got sich
an mich nâch der mannig#valtikait diner
erbârmnd Ne auertas faciem tuam
ker din antlüt nit von mir dinem kint
wan ich bin in groffen sorgen da#von so hilf
mir bald Sant aunshalm sprach sag mir
liebý frow war#vmb bettet er vnfer frow
sprach daz det er vmb drier#hand fach
die erft waz daz er so zarter natur waz
vnd ich in so zartlich erzogen hett vnd daz
er ainer mägt kind waz vnd von kũnk(=
lichem gefchlâcht geborn waz da#vō dett
im div marter vil defter wirs Die and'
fach ift daz im so groffý trurikait vnd
forcht hett bezwungen daz im der blütig
fchwaiff vber allen finen lib ran daz er
uff die erd goff vnd wan er gewärer got
waz der ally ding vor#hin wol waiff
do wiffet er och alle fin marter vor#hin
wie Sin gefpottet folt werden vnd angeſpu<wē>
geſtoffen vnd gefchlagen vnd wie er mit
valſch vertaillet folt werden vnd vnd
[97ra,01]Wie lafterlich er an dem krúc^z folt v' derbē
vnd wie er von Ieglicher not finer fel vnd
bitterkait folt liden vnd wan er daz alles
vor wiffet da#von bettet er wan wie wol ain
diepp waiz daz er ſterben fol muf fo er

verurtailet wurt fo enphfindet er doch
vor#hin nit dez schmerzen E daz man in
henket an daz fail do enphfant min kint
alles dez schmerzen vor der marter die er
liden müft die dritt sach waz daz er wol
wift daz die iuden kain erbärmd vber in
mochten haben vnd daz er finen vatter
batt mócht es fin daz er in der marter er(=)
lief vnd dech finen willen nit an#fäche
nū finf vatters willen do fant im Sin vatt^r
von himelrich ainen engel der ftarkt in
ze#hant vnd sprach zū im bis ftark vnd
fest wan du folt lófen alles mánfchlich
kúnn dár#nách ftünd er vff vnd gieng
zū finen Iungern do warent si entschlauffē
von vnmaßfiger betrúbt vnd trurikait
die si heten vnd von rechter trurikait
do sprach|er zū in móchtend ir nit ain klain
wil mit mir wachen Sechent er nachett
schier der mich wil hin#geben in den tót
vnd ze#hant do kom iudas mit ainer groffer
schar vnd do er begund nachen do sprach
er zū den iuden ir sint zwen gar gelich
an#ander Ihesus vnd iacobus dien man
da haiffet finen brúder vnd mag mann
kum den ainen für den andern erkennē
vnd da#von wil ich iuch ain zaichen gebē
welchen ich kúff der ift es den hebend
vaft vnd fürent in gewárlích vnd do er
er begund nachen do gieng min kint gegē
in vnd sprach wen fúchent ir do sprachē
die iuden Ihesum nafarennū do sprach
min kint ich bin||f|es do fiellent si all hind^r
sich uff daz ~~erden~~ ertrich da sprach min
kint aber zū in Sid ir mich fúchent fo
lând die gån die by mir sint daz div

gefchrift erfüllt werd qwas dediftý
michý nō perdidí ex eis quē#q̄z daz
fprichet die du mir hãft gegeben der hãn
ich kainen verlorn vnd do min kint daz ge(=
fprach do gieng iudas dar vnd kufft in
[97rb,01]Do fprach min kint zũ im iudas
wilt du dez menſchen kint hin#geben
mit dem k<u>ff vnd do ze#hant fiengē
fi min kint do fprach fant ̃anfhalb
fag mir lieby frow befchach da kain
zaichen an finer fanknũff vnfer frow
fprach Ia ̃anfhalb du folt wiſſen
daz fant pett' ſchlũg dez obroften
ewarten kneth daz grecht or ab der
hies malchus do bot min kint fin hant
dar vnd berũrt im fin or vnd machet
in ze#hant gefunt wider vnd fprach
do zũ fant petero tũ din fwert in
fin ſchaid wan alle die mit dem ſchwert
v' h̃wen werdent die verderbent oder
wanft du nit daz ich minen vatt' m̃ocht
erbitten daz er mir fantý mer denn
zwelff engel#fchar vnd ze#hant do
fluchen die iunger all von ihm fant
aunfhalb fprach fag mir liebiu frow
ward du da b̃y dinem kind vnfer frow
fprach nain ich ſant aunfhalb Sprach
wãr#vmb lieft du daz liebiu frow vnd
er dir ſo lieb waz vnfer frow fprach
Es waz nacht vnd waz nit muglich
daz iunkfrowen an der ſtraff giengen
fant aunfhalb fprach fag mir lieby
frow wa wãrd du do vnfer fro fprach
ich waz in miner ſchwefter hus Iohañis
mũter fant ̃anfhalb fprach frow vnd
mũter wer waz der erft bott der dir

die mâr fait vnfer frow sprach do
komen die iunger all geloffen mit
großem geschray vnd iâmer mit vnm(=)
âffigem wainen vnd mit herczlaid
vnd sprachen zû mir o#we lieby mûter
vnd magt din hercz#liebes kint vnd din
aingeborner fun vnfer maister ist ge(=)
fangen vnd ist von vns gefürt gebundē
vnd wissen nit wâ er hin#gefürt ist
ald ob er erschlagen ist fant ânshalm
sprach sag mir zartÿ frow wie waz
do din vngemach vnd dinshertcē not
vnfer frow sprach wie wol ich dech
wift daz alles mânſchlich geschlâcht
von natur ~~an~~ von im solt erlöffet
werden doch von mütterlicher natur
[97va,01]Do gieng her simiones schwert durch min
hercz als er mir sâit do er min kint enph(=)
fieng in den tempel Sant aunshalm sprach
sag mir zartûⁱ frow wa wart er gefürtt
vnfer frow sprach er wart gefüret vffer
dem garten da er in gefangen ward vnd
wart gefüret durch ain tal daz haiffet
Iosaphat ze Irlm in#durch daz tor daz
man da haiffet daz guldin tor in ainen
palaft nach by des fürften hus annas
da enzunten si ain für da kâmen die ew(=)
arten vnd die schriber vnd die phariseÿ
die befanten befamneten sich all bald in
den ballast do frâgt in der fürft annas
vil von finer ler vnd von finen Iungern
do antwurt im min kint vnd sprach Ich hân
offenlich mit der welt geredet vnd hân
all#zit geleret in der sinagög vnd in dē
tempel da die iuden all waren vnd hân
nit verborgenlich geredet wez frâgest

du mich fr̄ag die es von mir haben geh̄ort
die wiffent wol waz ich in han gefeitt
do min kint daz geredet mit dem f̄urften
annas do fchl̄ug in ain amptman dez
f̄urften gar vnerb̄armklich an fin wang
vnd fprach du folt dem f̄urften bas
antworten do fprach min kint z̄ dem
der in gefchlagen hett gar f̄anfteklich
als ain fch̄afflin h̄an ich wol geret w̄ar(=)
vmb fchlachft du mich deñ h̄an ich aber
v̄bel geret daz bez̄ug mich da namen
fi in vnd verbunden in finnȳ v̄gen daz
man doch dehainem diep t̄ut E daz er
wirt vertailet vnd f̄potetten fin all die
gancz nacht vnd f̄p̄uwen in vnder fin
antl̄ut vnd giengen hinder in vnd
fchl̄ugen in vff finen nak vnd fprach̄et
wiffag vnf wer der f̄y der dich hab ge(=)
fchlagen Nū waz min kint Iohannes
in daz huf nach#gegangen wan der
f̄urft annas der kant in wol vnd
nam Iohannes petrum vnd f̄urt in och
in daz hus vnd do petrus in daz hus
z̄ der t̄ur in#gieng do fprach ain
Iunkfrow die h̄ut der t̄ur z̄ im du
bift och dez menfchen iunger do logent
petrus driftunt vnd fchwor daz er in nit
[97vb,01]erkant noch in nie me hett gefechen vnd ze(=)
hant do kr̄at der han driftund do fach min
kint petrum gar ḡutklichen an do gedacht
petrus an daz wort daz im min kint hett
vor#gefeit E daz der han zw̄rent kr̄at
fo haft du min driftund verl̄oḡet vnd
gieng vff vnd wainet gar bitterklich
Sant aunfthalm fprach liebiu frow wa
w̄ard du do diff alles gefchach vnfer frow

fprach do mir die iunger faiten daz er gefan(=
gen waz do erzitterten mir ally miny glider
vnd gieng vff bald vnd maria magdalena
mit mir vnd giengen zu dem tempel da by
ftund nach annas dez furften huf do hort ich
ain groffz gebracht in dem huf da war ich gern
in gewessen do wolt mir fin nieman gunnen
do gewan min hercz alfo bitterlich not daz
ich ftund vor dem hus vnd wainet gar bitter(=
lichen vnd sprach mit minem groffen Iamer
owe min hercz#liebes kint ain spiegel miner
vogen wer git minem hopt waffer vnd minen
vogen ainen brunnē der tracher daz ich gewain
vnd klag daz mort daz man an minen kind
vnfchuldiklich begat do gieng maria magdalena
vmb daz hus hin vnd her ob fiu iena fund
ain fienfterlin daz fi min kint fach in finen
notten div hort daz petrus mines Kindes
driftunt verlögent do mocht ir hercz vor
Iamer gebrosten fin daz der furft vn#der den
zwelffen fin hett v'lögent vnd sprach mit Iam(=
erlicher ftimm owe min minklicher fun Ihs
welch end fol din bitterlichiv not noch hut ~~ain~~
niemen ald wie fol ez dir ergan fit din der
hat verlögent der ain hopt vnder allen dine
Lungern waz zarter her Ihesus nu ich din
nimer verlögen Ich ftund vnd hort och alle
den spott vnd schelt#wort vnd all die schleg
vnd alle die stoffz die man an im begie vnd
daz fin petrus driftunt v'lögent vnd waz
man dez nachtes an im begie daz hort ich in
do petrus fin verlögent vnd do fach in min kint
an in allen finen noten vnd do gedacht petruf
an daz wort daz min kint vor zu im hett
gesprochen E daz der han zurent kratt
fo hat du min driftund verlögent vnd

gieng vff dem hus vnd wainet gar bitter(=
lichen do fand er vnf vor dem huf ftând
[98ra,01]Do sprach ich zû im mit groffem Iâmer owe
petre was dût man minem kind do sprach pet's
mit ainer iâmerlichen ftimm o liebÿ frow vnd
mûter vnd rainÿ magt da fchlecht man din
kint vnd stoffet in an all erbârmd vnd
begât mit im aller#hant fpott fo fi kûnēt
erdenken vnd ift fin antlût also bitterlichē
v'fpûwen daz man gar kum gemerken kan
ob ez ains mânſchen antlût ie wart gelich
vnd do er mir das gefeit do floch er gar
bald vnd verbarg ſich in ainem hollen ftain
der haiffet gallicat⁹ vnd kam nie dar#vſz
E daz min kint erftarb an dem crûcz
do sprach fant aunftalm ſag mir liebiu frow
wie waz dir do an dinem herczen do du dicz
alles hortest vnſer frow sprach do gieng
her ſimeones ſchwert zû dem an#dern maul
durch min hercz Sant aunftalm sprach ſag
mir liebiu frow wie ergieng es dâr#nâch
vnſer frow sprach do mornent frou wart
do fürten ſi min kint vff dez fürften hus anas
In dez biſchöfs hus kayeſafz do gefach ich
min kint do man in gefangen für̄t als ainē
dieb do luff ich dar recht als ain loein
der iriv kint genomen ſint vnd do ich ſach
~~fin~~ daz ſin minnekliches antlût fo gar
entſchöpf̄fet waz do gedacht ich mir vil
laid vnd sprach zû im owe min zarttes
kint vnd min aingebornes kint wie Iâmer(=
lich din antlût ift geſtalt vnd wie gar ver(=
blichen dez ſich min hercz fo dik gefröwet
hât fo ich es an#ſach vnd luff do vil|bald
dar vnd wolt min kint vmb#fangen hân do
wolt mir ſin niemant gûnnen mich ſtieff

ainer hin der ander her vnd wart mit wortē
wol becholten vnd verstoffē vnd bofflich
vertriben do wart der zū#loff von den lütē
also groff alf ob man ainen diep oder ainen
morder wölt v'tailen vnd do er für gericht
kom do ftünd er recht als ain vnſchuldigs
lemlin daz ſinen munt nit vff tūt ſo man
es tötten wil vnd waz ſin antlüt alfo
lafterlich verſpūwen daz es nit anders
geſchaffen waz wan als ainez vffeczigen
antlüt dār#nach funden ſi vil falſcher
gezūg Si ſprächen er wār ain zerftörrer
der zechen gebott vnd hett die lütt mitt
[98rb,01]Falſcher lerr verkeret do komen aber
zwen falſch gezūg die ſprachen wir hortē
daz er ſprach er wölt den tempel nider(=)
brechen vnd wölt in in dr̄y tagen wider(=)
machen daz ſprach er von dem tempel
ſines libs do wunden ſi er het ez geſprächē
von dem tempel den ſalamon het gemacht
do ſprach der biſchoff kayefas zū im
Sag vn̄ ob du ſieft der gewār gottes#fun
do antwurt im min kint vnd ſprach ſag
ich iuch daz ſo gelōbent ir mir||s nit doch
ſag ich iuch gewārlich Ir werdent dez
mānſchen kint ſechen ſiczen b̄y der zefmen
hant ſiner götlichen kraft vnd koment
her#wider in dem wolken des himels do
ftünd der biſchoff vff vnd zerraiſſ ſin
gewant vnd ſprach zū den iuden waz
bedürffen wir me zūgnūff er hāt doch
ſelb veriechen waz dunket iuch gūt
do ſchrūwen ſi all mit#ain#ander vnd ſprachē
er iſt des todes wol wirdig Sant aunſhalm
ſprach ach rainy magt wie ergieng es
dār#nāch vnſer frow ſprach do fürten ſi

in für den richter pilato gebunden vnd
do daz volk alles dar kam do schrivent
arm vnd rich all gemainlich tolle tolle
eum crucifige crucifie eum Nim hin Nim
hin Crüzige in krüzige in vnd hüben im
vff daz er hett gesprochen er wär gotes
fun vnd hettÿ och verbotten daz man dem
kaifer dehainen zins geben folt do begund
pilatus frägen von finem künkrich vnd
sprach zû im bist du der iuden künig do
sprach min kint zû pilato sprichest du
daz von dir selber ald händ es dir ander
lüt von mir gefet do sprach pilatus bin
ich deñ ain iud die Ewarten vnd din ge(=)
schlächht händ dich mir geantwürt waz
haft du getän do sprach min kint min
rich rich ift nit von dirr welt wan wär
min rich von dirr welt min amptlüt hülff(=)
fen mir daz ich den iuden nit würd
geantwürt noch gegeben do sprach
pilatus doch fo bist du ain künig do
sprach min kint du sprichest es wan
es ift war ich bin ain kunig vnd bin
där#vmb komen vff ertrich daz ich
[98va,01]Ain gewärer züg fy der wärhait wan wer
von der wärhait ift der merket min ftimm
do sprach pilatus waz ift div wärhait
do schwaig min kint vnd wolt im nit ant(=)
würten wan het er im gefait waz diu reht
warhait wär So hett er in licht gelaffē
vnd wär mänfchlich kunn nit erloffet
vnd do iudas hort daz min kint vertaillet
ward do gerö in der böff köff vnd gieng
hin zû den iuden vnd den fürften vnd
bracht in die driffig phfenning wider
vnd sprach zû in ich hân gefündet daz

ich daz vnſchuldig blūt hin hān^v geben
do ſprāchen die iuden waz gāt vnſ daz
an do gieng iudaz hin vnd warff die
phfenning in den tempel vnd erhant
ſich felber vnd do diff gefchāch do gieng
pilatus zū den furſten zū den ewarten
vnd zū dem gemainen volk vnd ſprach
Ich en|find dehainerlay^y ſach an difem
mānſchen da#mit er den tod hab verſch=
ult die iuden ſprāchen er hāt daz
volk verkert mit finer ler von galilea
bis her do pilat⁹ hort daz er waz von
gallilea da herodes kuing waz do ſant
er min kint zū herodes daz er in ſach
wan er waz ze ir̄lm in der ſtat vnd
hort ſagen daz er lang zitt het begert
ze fechen vnd wolt ſich och verſūnen
mit im des tages wan ſi an#ander lang
zitt vint warent geweffen vnd do her(=
odes min kint erft an#ſach do waz er
gar fro wan er begert von herczen
daz er etlich zaichin von im ſāch vnd
fraget in vil dinges vnd ob er daz kint
wār daz ſin vatter hies zu tōd ſchlachē
vnd von finen ſchulden ſo vil kind ertōttē
hies vnd frāget in aber ob er der war
der laferum erkukt von dem tōd vnd
von der witwen fun in der ſtatt vnd
die blinden machet gefechen vnd manger(=
hand frāg die er in frāgt vnd do
wolt min kint nie wort mit im gefprech
do gebot im herodes daz er im ain zaichē
tāt er wōlt in laffen von den iuden
min kint Iheſus wolt im nit antwürtē
do hies er in ain edel krōn uff#ſetzen
[98vb,01]Vnd ſprach daz er ain zaichen tāt vor im

er wölt im sin kunkrich halbs geben min kint
sprach als nucz do ftunden die iuden vff vnd
feiten vil dings von im da#mit fi finen vngelimpf
merten vnd do herodes sach daz min kint kain
zaichen wolt tũn do verfchmacht er in vnd
als sin <l>er vnd hieffz im ein wiff klait an#legē
vnd fant in wider hin zũ pilato vnd vnd pilat⁹
vnd herodes wurden mit#ain#ander verfunnet
wan pilatus west wol die groffen vintfchaft der
iuden die fi heten gen minem kind do forcht er
daz die iuden erfchlügen in bis daz er haim kãm
vnd hies berait lût mit im gån In ze behütē
vor den iuden vnd do min kint kam fur pilatũ
do gieng pilatus zũ den iuden vnd sprach ir
hand mir difen geantwürt als ain verkerer
des volks nũ find ich kain sach an im da#mit
er den tōd v'fchuldet hab in aller der clag
da#mit ir in verlaitent noch der kũng her(=
odes fint ouch kain sach an im Ich wil in zũch(=
tigen vnd wil in den lauffen do fchrüwen die
iuden vaft vnd sprachen daz man in gāb
baraban der waz ain fchâcher vnd waz vmb
mānig fchuld gefangen vnd min kint hieffē
fi Cruczigen do sprach pilatus zũ dem drittē
mal Ich find kain fchuld an im do fchrüwē
fi all Crucyfige Crucyfige eũ Ich wil in
herteklich ftraffen vnd wil in den lāffen do
fchrüwen die iuden all Crucyfige eum vnd do
pilatus an dem gericht faff do fant sin huffro
zũ im vnd sprach du hāft nichcz ze schaffen
an difem gerechten mānschen Ich hān hinnacht
an difer nacht vil erlitten in dem fchlaff von
im do gedächt pilatus wie er mócht der iudā
fraidikait vnd vintfchafft geftilen vnd hieffz
min kint nakent ab#ziehen vnd hieffz in alfo
ser fchlachen daz bis von dem hōpt bis vff

die ferfen nichtzzit vnuerferet waz nū waz
div ful alfo groff da er an#gebunden waz daz
in wol zwaiger fpañ gebrast daz er||s nit möcht
vmb#griffen do namen fi ftark fail vnd riemē
vnd zugen im die arm ze#famen vnd fchlügen
in alfo fer daz in ainer klainen wil daz blūt
i^{ber}#gofz allen finen zarten lib daz er recht
waz als der im ainen rotten pfeller het ange(=
tān vnd der anblick fin wart nit an#ders deñ
als ains veldfiechen antlūt vnd ain vffetzigē
ant#lūt dar#nach enband in der richter
[99ra,01]Pilatus ab der ful vnd laitten in ain gwant
an von pfeller vnd flächten in ain kron vff
dornen vnd faczten fi im vff vnd knieten fur
in vnd fprächen zū im bis gegruffet ain kunig
der iuden vnd fchlügen in an finiu wangen
vff finen nak vnd die kron die im herodes
hett vff#gefeczt do er in zū pilato fant mit
der#felben kron krōnet man noch all rōmfch
kūng vnd die dūrnin kron die im pilatus vff(=
faczt die hat der kūng von frankrich noch
vnd die#felb kron waz nit von hūltzin dornē
Sÿ waz von mer#benzen vnd die dorn fint
alfo fcharpf daz fi||s minem kind nit mochtē
vff#feczen mit den henden fi müften niemē
ain fchaft vnd drukten fi da#mit im in fin hopt
hailigs hōpt daz im der bütig fchwaifz alles
fin antlūt vnd fin achflan vnd allen finen
lib i^{ber}#gōffz do nam in pilatus alfo vnd
fūrt in alfo gekrūnt vnd alfo blütigen mit
dem pfeller#rok vnd fprach zū in fechent
da iuwern kūng vnd do fi in erfachen dennoch
benūgt fi nit aller der verfchmācht vnd aller
der marter die fi im hetten getān vnd die er
erlitten het Sie gedachten nit daz er fo mān(=
ig groff zaichen hett getān vor iren ögen

daz er macht die blinden gefechen die tōren
gehören die vffeczzigen gefunt vnd die lamē
hieſz er gān vnd die tōten erkukt er vnd
daz er fünff#tuffent māntſchen het geſpiffet
mit fünff broten vnd ander manig#valtigiū
zaichen die er getān hett dez hetten ſi alles
vergeſſen vnd ſchrūwen vff in als vff ainē
diep vnd morder vnd ſprāchen Crucifie eū
do ſprach pilatus niement in hin vnd Crucz(=
gent in nāch iuvern rechten do ſprachen
die iuden er ſol ſterben nāch der E wan
er hāt geſprechen er fÿ gottes ſun vnd do
pilatus daz hort do er#ſchrak er vnd gieng
in daz richt#hufz zū minem kind vnd ſprach
zū im wan#nan biſt du do ſchwaig min kint
vnd wolt im nit antwūrten ſo ſprach pilat?
wilt du mit mir nit reden waift||u nit daz
ich hān gewalt vber dich zu lāſſen vnd
dich ze crūczigen do ſprach min kint du haſt
kainen gewalt vber mich er wār dir denn
gegeben von oben vnd da#von hāt dir mer
[99rb,01]S<ū>nd die mich dir geben hānd van du
vnd vmb die#ſelben red hett in pilat? gern
geneſſen lāſſen do ſchrūwen die iuden all
mit groſſem zorn vnd ſprachen zū im wie
du in wilt lāſſen geneſſen ſo biſt du nit
dez kaiſſers frunt vnd do pilatus daz
erhort daz ſi im trōtten vff ſinen herren
den kaiſer do nam er waffer vnd zwog
ſin hend vnd ſprach zū in allen Ich bin
vnſchuldig an dez rechten menſchen blūt
do ſchrūwen die iuden all vnd ſprāchen ſin
blūt kum vber vnſ vnd vber vnſrÿ kint
vnd do ſchrūwen die iuden all Ie mer vñ
Ie mer du haiffz in krūczigen haiffz in
Crūczigen do gefigten die iuden pilato an

vnd er sprach iuwer will der fol ergan
vnd lieff in barraban durch ir öfterlich
recht vnd gab vrtail vber min kint vn̄
sprach ich gib vrtail vber Ihesum nafer(=
enū daz man in fol tōten dez lafterlichē
todes an dem krūcz Sant aunfhalm
sprach liebū fro wie waz dir do du ho(=
rteft die vrtail vber din liebes kint do
sprach vnfer frow do ich die vrtail er(=
hort do gieng fymions ſchwert durch
min hercz vnd durch min fel zū dem vierdē
māl vil mer wan ob daz vrtail wār vber
mich gegangen Sant aunfhalm sprach
liebiu frow wie ergieng es dār#nāch do
sprach vnfer frow do namen fi min kint
vnd fürten es vff an daz veld da fi es
wollten krūczigen vnd leten im daz Crūcz
vff finen rugen daz waz fünffzechen
ſchūch lang do hett er allen den tag
vnd alle die nacht alfo grof arbeit erlitē
daz er daz krūcz nit mocht getragen do
zwungen fi ainen der hies fymon dār#zū
der begegnot in an der ftrāf daz er minem
lieben kint müft helffen daz krūcz tragē
vnd daz tetten fi nit von kainer erbārd
wegen sunder wan daz fi ſāchen daz er
von rechter krankhait es nit mocht er(=
tragen Sant aunfhalm sprach liebiu frow
wie gieng es dār#nāch do sprach vnfer
frow do fi in krūczigen wollten do giengē
im vil lūt nāch arm vnd rich wib vnd man
vnd kint vnd frowen die in bitterlichen
waiten vnd in von herczen klagten im
[99va,01]Im luffen och vil lūt nāch die vff in ſchrūē
als vff ainen morder den man zū dem
gallgen für̄t vnd och vil kind die luffen

im nach vnd namen hor vnd wurffen zů im
an allen finen lib do kert sich min kint v̄m
vnd sprach gen den frowē die mit im wārē
in groffem laid vnd mit māngem trācher
nach#giengen Ir tōchtran von Ierufalem
wainent nit v̄ber mich wainent v̄ber iuch
felb vnd v̄ber iuriu kint die daz hōr vnd
die ftain an mich werffent vnd fi nit wiffent
daz fi fo unrecht tūnd wan es kumt noch
der tag daz fi werdent sprechen fālig
fint die brūft die nie kint habent gefōgt
Si werdent zů den bergen sprechen fallent
vff her vff uns vnd zů den b̄cheln bedekent
vnf weñ fi daz tūnd an dem grünen holcz
waz gefchicht deñ dem d̄ren holtz als
ob er gesprochen hett daz mir die kint
fo groff lafter erbietend in ir iugend waz
gefchicht deñ in dem alter man fūrt öch
zwen fchacher mit im vffz daz tātent fi
im zů ainem funderbaren lafter vnd do
man in mit den fchächern zů den tor vff(=)
fūrt do wart daz gedreng also groff
von den die im nāch#luffent vnd fin spottetē
daz ich nit zů im komen mocht do ward
ich vnd maria magdalena ze rāt daz wir
luffen in ain ander gaffen vnd fur#luffē
in vnd do wir komen zů ainem brunen
do bekam vnf min kint vnd gefach in E
daz er zů dem tor vff#kām vnd do ich in
gefach do waz er also lāmerlich gefalt
vnd wār er min kint nit geweffen ich het
fin nit erkennet fi heten im fin hend ze(=)
famen gebunden vnd fūrten in gar vnge(=)
zogenlich vnd do er mich erfach an dem
weg vor im ftān do naigt er fin hōpt
gen mir vnd sprach ach hecze#liebiv

müter Ich dank dir aller der lieb vnd
aller der zucht vnd alles dez gûtes daz
du mir ie hæft getân vnd daz ~~du~~ du den
tempel minfz libs alfo zartlich haft
erzogen mit diner arm#mût vnd mich
in miner armût nie verlieffest verlieft
du hülffest mir gern ob du mâchtest
vnd löfft mir nach wie fchmâch ich
[99vb,01]der welt bin vnd do fi in gefuorten an die ftat
die da haiffet Caluarie do Crûczgeten Crûczgot(=
ten fi in da vnd die zwen fchâcher mit im vñ
hiengen ainen zû der rechten hant vnd den
andern zû der linken vnd min kint enmitten vnd
fÿ do sprach fant annfhalm liebû frow waz
tetten fi im do do sprach vnfer frow Nû hór
annfhalm gar ain klâglich wort wes fi noch
mordes an im begiengen vnd daz doch kain
ewangelift befchribt do fi kâmen an die ftat
die da haiffet caluarie do zugen fi im als fin
vaden belaib do er#ftarb min hercz do fi im
daz lafter an#tâten do gieng ich dar gar vner(=
fchrokenlich vnd vnfhâmlich vnd zôch ain tûch
ab minem hopt vnd band es vmb finen lib
Nû waz der flek alfo vnuber der da haiffet
Caluarie da fi min kint hin#fürten vnd waz
alfo verfchmâcht daz man nit vnuber kain
vnuber ftat finden kund man fchand da
fchelm vnd hieng da diep vnd ertôt da morder
vnd ander boff lût vnd ander bôs lût vnd
waz der fchmah alfo groff daz in ieman k<v>m
mocht erliden vnd an der vnrainen ftatt da
leitten fi daz krûcz nider vff die erd vnd leitē
min kint rûglingen dar#vff vnd nagelten im
die ainen hant an daz Crûcz vnd der nagel
waz alfo grofz daz er die wunden alfo fer
erfüllet daz ain ainiger tropf plûtes dar(=)

vff nit en|mocht dâr#nach namen fi ain fail
vnd bunden im ez an die andern hant vnd
zugen vnd im zerdanten also vaft im die arm
vnd die gelider vff#ain#ander vnd der nagel
waz also grofz dien fy im ſchlügen in die
andern hand daz aber kain blütz#tropf
dar#vff nit gän mocht dâr#nach namen fi
groffiv fail vnd bunden im||s an ſin füßz vnd
banten im||s also ſer daz die geſchrift erfüllet
würd in dem ſalter dinumera#ferunt oia
offa mea fi haten in also geſpannen daz
kain gelid waz man hett es wol gezellet
funder#bâr durch ſin hutt vnd do fi in also
zerſpennen do leten fi im ainen füßz vber
den andern vnd ſchlügen im ainen nagel
durch baid füßz der nagel waz also groffz
daz im daz blüt nit mocht da#von geflieffē
vnd do ich erhört die groffen hamerschleg
[100ra,01]do wart die wiſſagung wol an mir erfüllet
als der künig dauit ſpricht in dem pſalter
audi filia et uide recht als ob er ſprâch hor
tochter vnd ſich die groffen bitterlichen hamer(=
ſchleg vnd die manig#valtigen not die ich
an mimen füßen an henden vnd an allem
minem lib lid vnd do ich die groffen hamer(=
ſchleg erhört do gieng ſimeons ſchwert durch
zû dem funfften mal durch min hercz vnd ſel
vnd do namen fi daz krüz vnd hûben ez vff
mit minem kind do waz daz Crüz also hoch
daz ich ſin füßz nit mocht erraichen mit minē
henden owe des iâmerlichen aanbliks den
ich da an#ſach wie vngelich ez waz weder
do ich ſin genas vnd ſin kintliches antlüt ſo
recht minneklichen an#ſach vnd do er vff(=
gericht ward vnd er begund hangen von
ſchwärung ſins libes libs do brachē im die

wunden vff an henden vnd an füffen vnd ran
daz blüt also fer von im als ob es von vier
bächen gieng do het ich ain gewant an als
do gewonlich waz in dem land als die frōwē
trügen daz waz also gemacht daz es daz hōpt
vnd allen lib bedakt linin#tūch vnd daz#felb
gewand ward also rot von finem blüt daz
vff mich ran fant aunthaln sprach zart
frow wie ergieng es do Si sprach do fi in
Crūcz#goten do taitend fi fin gwand vnder
sich do hett min kint ainen rok der waz
gewürket daz er kain nāt hett den wolten
fi nit zerbrechen vnd sprachen wir wellen
ain lös dār#vmb werffen wiem er also gantz
belib daz gefchach dar#vmb daz die gefchrift
erfület werd als der wiffag gesprochen hāt
diuiferunt uestimenta mea Min gwant habent
fi getailt vnd dār#vff geworffen ain losz
dār#nach hiefz pilatus schriben vber daz Crūcz
mit drier#lay sprach kriechisch Iūdīsch vnd
latin Ihesus naferen⁹ rex Iud#eorum daz mūt
die iuden vnd sprächen war#vmb haft du
geschriben der iuden künig du soltest haben
geschriben er sprach er war der iuden kung
do sprach pilatus <d>z schripffy schrippffit daz
ich hân geschriben daz hân ich gschriben dār(=
nach giengen fi fur daz Crūcz ftân vnd
wurffen iriv hōpter gar spotlichen vff gen im
vnd sprächen daz ist der der den tempel wolt
[100rb,01]haben zerbrochen vnd an dem dritten
tag wider#machen sieft du gottes sun so
gang her#ab von dem krūcz vnd behalt
dich selber vnd och vnf do sprachen die
furften er hāt ander lūt geholffen
vnd kan im selber nit gehelffen sieft
du der künig von Ierufalem so gang her(=)

ab dem krūcz fo wellen wir geloben dir
got helff im selber ob er wel wan er
sprach er wār gotes sun Sant annhahn
sprach zartiu frow waz tāt er do man
fin also spottet sprach er icht da#wider
vnser frow sprach nain er bat got für
fÿ vnd sprach vatter vergib in wan fi
wiffent nit waz fi tünd da ftünd och daz
gemain volk vnd spoteten fin vnd wolten
baiten wie es ain end nām do mocht er
wol zū mir sprechen audÿ filia et fide
hōr dochter die flūch#wort vnd sich die
clåglichen not Ich waifz wol daz du mich
enphfiengest von dem hailigen gaift vnd
daz du mich trügt vnd gebārd vnd mich
also zartlich vnd lieplich fōgtest mit dinē
brūsten vnd daz du mir all#zit mit trūē
nāch#giengest wan da#von daz fi nit an
mich gelobten daz ich fÿ gotes sun zartiu
frow vnd mūter so gelob du es vnd hab
erbārdm vber mich Do gieng fymions
schwert zū dem sechsten mal durch min
hercz vnd durch min sel vnd in allen finē
nōten möcht er nit vber werden von dem
schācher der by im hieng zū der linken
hant er sprach in spottet wiff zū im
siest du gottes sun so behalt dich selb vñ
öch vnf do antwürt im der ander schācher
vnd sprach ain wort zū im furchtest du
nit got daz du in der vertamnūff siest
aber wir liden billich vnd von schulden
daz man vnf töttet aber dirr fällig
mānsch nie kain vbel gedett vnd do er
finen gefellen also strāffet do sprach er
zū minem kind herr gedenk min so du
kemeft in dinf vatters rich do sprach

min kint ich fag dir wiffz daz du folt
hütt mit mir fin in dem paradis Sant
aunfhaln fprach zartiv frow fpracht
[100va,01]du do do ftünd ich bý dem krücz vnd Ioh̄s
bý mir vnd min fchwefter vnd maria magd(=)
alena vnd wâren groffez herczen#laides vol
vnd ich fach in hangen in vnlidenlicher
not vnlidiger not vnd mocht in ze kainē
fratten komen do er mich in alfo groffē
herczlaid fach ftân vnd Iohannef da er
befunder groff liebiu zû het do wolt mich
min kint nit vngetrôft lâffen vnd fprach
zû mir fch wip daz ift din fun dâr#nach
fprach er zû Iohannes nim war daz
ift din mûter do waz es zû der fechften
ftund des tages vnd wart do ain vinfter
groffiu vinfternüffz vber als ertrich bis
vff die non#zit vnd do ze non#zit do
fchray min kint mit lutter ftimm vnd
fprach Ely Ely lamafabatany min
got min got wâr#vmb haft du mich ge(=)
lâffen do fprâchen etlich die es hortē
Er ruffet elias wir fûllen fechen ob er
kum vnd in well löfen do wiffet min kint
wol daz alliv wiffagung an im folt
erfüllet werden vnd fprach ficio
mich dürtet dürt do namen fi ainē
fchwam vnd fulten in vol effichs mit
gallen vnd buten minem kind ze trinkē
daz er defter E erfturb vnd do er daz
trank verfucht do fprach er confumatū
eft es ift alles volbracht vnd fprach
vatter ich enphilch dir minen gait
in din hend vnd do er daz wort gefprach
do naiget er fin hōpt vnd alfo fchied
fin götlichiv fell von finem lib nach mân(=)

fchlichem liden vnd do erlafch diu fuñ
vnd zerraiſſ ſich der vmbhang en#mittē
enzway in dem tempel vnd erbidmet
daz ertrich vnd zerkluben ſich die ſtain
da daz Crūcz in ſtünd der ſpielt ſich aller
von#ain#ander vnd detten ſich vff die greb⁴
vnd erfünden ~~die totten~~ vil hailiger
lüt die kämen nach der vrftend gen
Irīm in die fratt vnd lieffen ſich da
ſchowen do ſtünd ain her by dem krūcz
der hies zenturio der folt mines kindez
hüten vnd ander ritte die pilato
[100vb,01]het dar gefant vnd do ſi ſächen die groffen
zaichen do erfchraken ſi vil ſer da waz zentu(=
rio vnd lopt min kint vnd ſprach wärlich
dirr iſt gottes fun geweffen Sehent wie ſich
die element vber ſinen ſchöpffer erbarment
aber die iuden wellent kain erbärmd vber in
hän da ſtünden och mins Kindes fründ frowē vnd
man die im näch waren gegangen von gallilea
vnd fache es alles wol Sant aunſhaln ſprach
zartiv frow hett din herczlaid noch ain end
vnſer frow ſprach nū hör annſhaln ain clåg(=
lich mār waz noch me mordes an minem kind be(=
gangen ward an dem tag als ſi min kint hetē
getöt der#felb tag der hies paraſaphe daz ſp
ſpricht der ſtill fritag do waz der ander tag
der hochzitlich tag den die iuden begiengen vnd
lieffen kainen toten lich#nam hangen an ire ofter(=
tag do giengen die iuden zū pilato vnd bättē
in daz er minem kind vnd den ſchächern ir
gebain hieffin mit kolben zerſchlachen daz ſi
dez E ſtürbin daz fy nit hiengen an irem ofter(=
lichen tag da do hieſz pilatus ſin ritte daz
ſi minen kind vnd den ſchächern ir gebain
zerbrechen vnd do ſi ſachen daz min kint töt [[was]]

do wollten si minem kind also getân haben
do was es selber tôt vnd do si fachen daz
es von im selber tôt waz do en|wolten si im
sin gebain nit zerbrechen daz diu geschrift
erfület wûrd diu von im geschriben ftat diu
von dem osterlemlin geschriben ftat ftûnd
os non 9monēt ex|eo dez osterlemlin
gebain sol gantz beliben vnd gieng ain ritt'
dar vnd <--->ch ftach min kint mit ainem
groffen sper durch sin hercz vnd in sin fittē
vnd von der wunden giengen zwen bâch ainer
von blût der ander von wasser vnd do ich
daz sach daz si nit benûget aller der mart'
die min kint erlitten het do wolten si sich vch
an sinem tôten lichnam rechen do ward minē
herzen also we recht als ob mir daz sper
durch min hertz wâr gestochen do hett
ich gern gewainet do waz mir an minem
herzen vnd an allem minem lib also we
vnd diu natur waz also durr an mir wordē
von wainen vnd von groffem lamer vnd
arbaitten vnd hervz#laid die ich het erlittē
die nacht vnd och den tag daz ich ain
[101ra,01]Ain ainigen zacher nit môcht erzügen
vnd waz min ftimm an mir erftorben also
gar daz ich nit ain wort gesprechen môcht
do waz diu wiffagung an mir erfüllt die
fymion zû mir sprach diu marter mines
kindes sol durch min hercz vnd durch min fel
vnd durch allen minen lib schniden als ain
schwert do ich die marter mines kindes also
sach do gieng fymionf schwert zû dem
dem sibenden mal durch min hercz vnd fel
vnd durch allen minen lib vnd do ich mit dem
munt nim kint nit geklagen môcht do sprach
ich mit dem herzen owe zartes min kint

owe liep vor allem liep wa ift der troft
den ich in allen minen tagen gehebt hân
möcht mir Ieman gehelffen daz ich für dich
ftürb do für fin götlichiv fel vnd fchied
von finem mund vnd für zû der hell da wart
groffz frôd vnd do er dar#vff nam adam vñ
die finen willen hetten getân vnd beſchloffz
die hell daz nimmer kain fel mer dar#in
komen mag wan nit finem willen er|beſchloffz
fi mit rechter <rû> vnd mit rechter bicht vnd
wer daz ſchloffz zerbrichet der kan nimm'
dâr#vff komen vnd müfz immer mer dar#in
fin er beſchloffz fi och mit ganczer büffz
Sant annfhaln ſprach zartiv frow wie erg(=
ieng ez dar#nach vnſer frow ſprach ain gût
man der hief Iofepf ~~von~~ vnd was von ain'
fratt div hiefz Armathÿ der waz haimlich
vnſers herren Iunger wan er forcht die
Iuden vnd gieng zû pilato vnd batt in daz
er im gâb mines kindes lib vnd ſprach alfo
daz ich in begrab wan fin müter ift div min(=
enklicheft frow die Ie geborn wart die hat
alfo groffz klag vnd iâmer daz fi vñ alfo
ſer erbarmet daz wir ez kumm gefeche
mügen vnd alfo we#tût alf ob fi vnfriv
aignÿ müter wâr do rûft pilatus zentur(=
io vnd ſprach ob min kint tôd wâr do
ſait er im daz er tôt wâr vnd die groffē
wunder die gefchechen wâren do nam pilat'
wunder wie er alfo bald v'ſchaiden wâr
[101rb,01]Vnd hiefz Iofepfen daz er min kint ab
dem krûcz nâm vnd in begrûbin nâch
allem finem willen Nû merk aunfhaln
ain klâglich ding do Iofepf min kint
ab dem Crûcz nam do ftünd ich vnder
dem krûcz vnd wartet weñ er im ainē

arm erledget würdy daz ich in enph(=)
fieng in nim hant vnd in kuff vnd trukt
an min hercz mit groffem herczlaid vnd
do er ab dem krucz erlediget ward do
leten fi in vff daz ertrich neben daz krucz
do fiel ich nider bald vnd nam fin hopt
in min schofz vnd sprach mit groffem hercz(=)
laid owe min zartes kind waz fol ich
nū troftes haben fo ich dich dott vor
mir ligen sich do kom Iohannes ewan(=)
gelifft vnd viel vff fin bruft vnd schray
mit lamerlicher ftimm owe vff dife
herczen trank ich götlich füffkait vnd
grofz wifhait owe nū enphfach ich
grofz bitterkait do kom petrus geloffe
vnd klagt mit groffem lamer vnd mit
hercz#laid vnd sprach bitterlichen mit
groffem wainen owe wer fol mir fünd
vergeben Sid ich fin verlöget hân
do kam maria magdalena & der clag
waz vor aller klag vnd viel nider
fur in vnd sprach owe troft ob allem
troft wer fol mich entfchuldigen von
fymeon der mich fchuldig vnd mich din
munt vnſchuldig machet von allen minē
fünden owe wer fol min für#sprach fin
gen miner ſchwefter div ſich von mir
klagt owe der zarten füffz die mich nit
ftieffen do ich fi kufft owe der rainen
füfz die ich wüſch mit minen trächern
vnd mir dez wol gunden owe der
Edlen füfz die mich nit v'ſchmächte
do ich fi truke<n>t mit minem hâr
vd vnd grofz manig#valtig ~~gnad~~
clag die fi da heten ob minem kind
do kom Iacobus miner ſchwefter fun

den man da haiffet finen brüder
der waz im gar gelich an allen finē
lib vnd sprach ach min lieber herr
wie ift fo gar vngelich din zartes
[101va,01]Antlūcz dem minen wer mag nū sprechē
daz ich din brüder fy vnd wie ift din
zarter lib also iāmerlich gemartert
von der schaitel vncz vff die ferfen
owe lieber herr din minnekliches antlūcz
der gester maister ift der ift nū dem
minen vngelich vnd do verchwor er daz
er nimmer mafz wölt verführen E daz
min kint erfünd von dem tōd daz gefch(=
ach er waz vngelich vnd ungetrunken
bis an den österlichen tag do erschain
im min kint funderlich do er an sin
gebet lag vnd sprach stand vff lieber
min brüder Iacob vnd enbifz dez mensche
kint ift er standen von dem tōd vnd
die andern ~~Iunger~~ gebotten kament
och all geloffen mit großem Iāmer
vnd clageten all mit manigvaltigen
trächern daz si von im geflochen wāre
vnd mit im nit in den tōd wāren gegangē
vnd sin verlōgēt heten vnd do ich vnd
die Iunger mit großem laid by im fāffe
do erfrowt vnf min kint mit der ersten
frōd mit der vrtend nach sinem Lib
der tōd waz daz er ward da#vor vnf
also wunenklich vnd also schön als ob
er nie schlag noch wunden enphfangē
hett Aber die fünff zaichen die belibēt
offen bis an den Iungsten tag die er
wil zaigen aller der welt da#von
gewunen wir gancz fr<ō>d vnd do man
in wolt begraben do hett ich also grōfz

nōt vnd lāmer daz ich mich von im fch=
aiden folt daz ich in vmb#fieng mit
minen müterlichen armen vnd mit
minen kreften vnd hett in gern geh=
ebt do nam mich min kint Iohannes
vnd wolt mich dannen#füren do sprach
ich owe min liebes kint Iohannes lāffz
mir min kint daz ich lebend nit ge(=
haben mocht oder hilff mir daz ich
mit im begraben werd do sprach
Iohannes frow vnd müter du waift
doch wol daz ez nit anders fol noch
mag gefein wan mänfchlich hilff
kunn möcht nit vñn dines kindes
tōd erlöffet werden do namen fi mir
[101vb,01]In vber minen dank vnd trügen in zū dem
grab vnd do fi in dār#in geleten do fiel
ich vff daz grab vnd het anders nit begert
denn daz man mich mit in het vergraben
do nam mich min kint Iohannes vber minē
willen vnd wolt mich dannan#füren do
sprach ich mit groffem herczlaid owe Iohāns
lāff mich genieffen mines kindes groffer triv
die er dir hāt erzaigt in finen lungften
nōten do er mich dir gab zū ainer müter
vnd dich mir gab zū ainem fun wañ ich
da gern mines endes erbaiten wōlt vnd
lā mir da nit gefchechen den groffen gewalt
daz ich mich fchaid von minem kind wan
ich gern by im mins ends warten wil do
wurden fi all die da wāren wainen bitter(=
lich vnd do nam mich Iohannes wider
minen willen vnd fürt mich in die ftatt
in miner fchwefter huf finer müter vnd
do die lūt erf<ā>chen daz ich fo lāmerlich
waz vnd min gewand alfo blütig rot waz

daz von minem kind vff mich geflossen waz
do ich vnder dem krūcz gestanden waz do
heten si groffen Iāmer vber mich vnd grofz
laid vnd erbārd mit mir vnd sprāchen
ow dez groffen gewaltz der in difer statt
gefchechen ist an der wunencklichen frowē
vnd an irem lieben kind also belaib ich in
miner schwefter huf vnd het kainen troft
vnd von groffem hercz#laid so ich fassz do wolt
mir gefchwunden sin vnd so waz min hercz
by minem kind vnd by dem grab vnd do
ich vff#ftān wolt so mocht ich nit gestān
vor groffer krankhait ich wainet vnd
het groffz hercz#laid vnd Iāmer baidiv
nacht vnd tag do kund mich min kint Iohāns
nit getroften vnd all min frūnd do waz
die wiffagung an mir erfult Ieromomy an
pr plorantz plorauy <9t> si wainet tag
vnd nacht die tracher wāren an iren wangē
vnd kund si niemant getrōften vnder allē
ireñ frūnden vnser frow sprach ānhalm nū
hōr an groffes herczlaid daz hūb sich aber
an mir do min schwefter vnd maria magda(=
lena sich beraiten mit edlen falben do si vō
mir giengen zū dem grab daz si min kint
[102ra,01] Salbeten vnd do si von mir giengent do müft
ich vor groffer krankhait in dem hus belibē
daz dett mir also we daz ez vnfüglich ist
wan mir viel ie ain hercz#laid vff daz ander
do ich nit mit dem lib zū dem grab möcht komē
do waz min verfertes hercz all#zit by im vnd
gedacht an daz zart ~~ant~~ antlūcz daz ich|oft
an so lieplich het gefechen vnd an sin fūff
ler div finem gōtlich mund gieng vnd
wie er verraten waz worden von finem Iung(=
ern vnd waz er schleg vnd stōffz vnd spots

het enphfangen do er gefürt ward in dez
f<u>rften hus vnd wie fin der fürft fant pett⁷
verlögent hett vnd do er vor gericht ftünd wie
ain gefchrayⁱ vber in ward vnd wie fin vor
herody gefpotet ward vnd wie vngezogen(=)
lich vnd wie lafterlich er mit den fchachern
vff#gefürt ward vnd wie im finiv klaider
ab#gezogen wurden vnd die groffen hamer(=)
fchleg do im die nagel gefchlagen wurden
durch fin hend vnd durch fin füßz an daz
crucz vnd wie er gekrönet ward vnd wie
er getrenket ward do er fchray mit lutt⁷
ftimm mich dürftet nach menfchlichem hail
vnd daz im da effich mit gallen vnder#anand⁷
gemifchet ward vnd im ze trinken geben
ward vnd daz fi fich nit benügen wolten
län an finem grimen töd Sy rächen fich
an finem töten lichnam vnd ftachen im ain
fper durch fin hercz vnd do ich dicz alles het
gedächt do sprach ich mit iämerlicheñ
ftimm o#we minnekliches bild vnd zartes
min kint got vnd mänfch fchöpffer aller
Creatur vnd füffer Ihefus wie recht bitt⁷lich
du von dem menfchen ertötet vnd enteret bift
durch dez willen daz du die menfchhait
an dich von mir diner rainen müter nãmd
owe den weder himel noch erd daz mer
noch daz abgründ nit begriffen mag der
lât fich libhaft befchlieffen vnder ainen
ftain owe der ewig vnd der vntötenklich
got der dâr#vmb ze menfch ift worden daz
er die verlornen menfchhait wider#bracht
der mocht finer kinthait nit genieffen daz
er lag an miner brüft in fuchty herodes
daz er in erfchlüg owe wie vndankberliche
[102rb,01]hãnd fi in enphfangen durch der willen

er vff die ertrich komen ist vnd wie lieb(=)
lich vnd fruntlich er mit in gewandelt hett
vnd in grossiv zaichen erzogt vnd getan
hett do er die tochter erkukt von dem tod
vnd vil siechen gefunt machet vnd do ich
in dem grossen laid waz vnd min schwest'
maria magdalena min kint suchen wolten
vnd mich in dem hus heten beschloffen wan
ich in nit gevolgen mocht vor grosser
krankhait vnd do ich in der grossen clag
waz do kom min liebes kint mit vnflaglicher
frod vnd waz sin antlucz vnd aller finer
lip also wunenlich vnd also schon vnd
durchluchtig als der wiffag gesprochen
het speciosus forma pre|filyis hoim Er
waz der schonst vnder allen mantfchen
vnd do er mir mit also grosser herfchaft
vnd clarhait erfchain do sach mich
also minneklich vnd lieplich an daz ich
vergaf allez dez hercz#laides daz ich ie
gewan vnd do gruft er mich lieplich vn
zartlich vnd sprach zu mir du sieft gegruft
min minneklichiv muter vnd rainiv magt
gefegent vber all frowe las din grossz
klag wan din kint ist erfanden von dem
tot do viel ich nider fur in vnd kufft im sin
fusz vnd sprach zu im ainiger sun des
vatters im himelrich Ich loben dich daz du
menschliches kunn mit dinem tod vnd mit
diner marter erlediget hast vnd sy der
vatter von himelrich gelopt der dich vff
ertrich zu mir fant vnd du von mir menschlich
natur an dich nampt do ich die wort zu im
sprach do schied er von mir dar#nach komē
die botten vnd min schwester vnd maria mag(=
dalena vnd sagten mir daz si in heten gefechē

do feit ich in och wie wunenlich ich in hett
gefēchen do heten fi frōd von miner
geficht wir frōtten vnf nit allain Sunder
die erlōft wāren von finem tōd die fuñ
die von minef kindes tōd erlofchen waz
die gewan iren ſchin fi ward daz man fi
frolich an#ſach an dem vff#gang die
erd die ſich von mines kindes tod erfchutt
die frōwet ſich do min kint erfanden
[102va,01]Waz vnd offnet ſich drāt vnd erfchutt ſich
do#von ganczen frōden vnd gab die tōten
wider die von adams zit gefangen wārēt
vnd gābent och zūgnūfz von finer vrtend
minfz kinds do waz mir als min hercz(=
laid benomen nicht allain daz ich min
kint het wider Ich frōet mich och daz
alli menſchait mit im erlofet waz
dār#vmb#nāch nāch vber vier tag do daz
gefchach do kōmen zwen hern von rom
der hiefz ainer Titus vnd der ander
veſpaſion⁹ die zerftorten Irīm vnd
fiengen do alfo vil iuden daz man ie
drifflig iuden gab vmb ainen phfening
vnd rāchen da#mit mins kindes tōt
vnd ſin marter In gotes namen Amen